

北京圖書館出版社

蔡鎮楚 編

中國

詩

話

本

叢書

珍



蔡鎮楚 編

北京圖書館出版社

中國詩話珍本叢書

20



不敢居詩話

沈歸愚宗伯撰古詩源錄擬蘇李詩三首其詩云晨風鳴北林
熠熠東南飛願言所相思日暮不垂帷明月照高樓想見餘光
輝玄鳥夜過庭髣髴能復飛褰裳路踟躕彷徨不能歸浮雲日
千里安知我心悲思得瓊樹枝以解長渴飢

鳳皇鳴高岡有翼不好飛安知鳳皇德貴其來見稀

紅塵蔽天地白日何冥冥微陰盛殺氣淒風從此興招搖西北
指天漢東南傾嗟爾穹廬子獨行如履冰短褐中無緒帶斷續
以繩瀉水置瓶中焉辨淄與澠巢父不洗耳後世有何稱
蘇李詩後人多疑為東都作今錄李陵與蘇武二首云良時不
再至離別在須臾屏營衢路側執手野踟躕仰視浮雲飛奄忽

互相踰風波一失所各在天一隅長當從此別且復立斯須欲
因晨風發送子以賤軀次章云臨河濯長纓念子悵悠悠遠望
悲風至對酒不能酬三章云攜手上河梁遊子暮何之又行人
難久留各言長相思安知非日月弦望自有時努力崇明德皓
首以爲期

短褐中無緒帶斷續以繩瀉水置瓶中焉辨淄與澠四語鮑明
遠樂府所祖

十九首不知何人所作詩譜稱其情真景真事真意真得之矣
或謂曹王或謂蘓李細說語意當屬蘇李無疑其詩如行行重
行行與君生別離胡馬依北風越鳥巢南枝人生天地間忽如
遠行客一彈再三歎慷慨有餘哀不惜歌者苦但傷知音希同
心而離居憂傷以終老生年不滿百常懷千歲憂晝短苦夜長

何不秉燭遊出戶獨彷徨愁思當告誰引領還入房淚下沾裳
衣使讀者悲感無端然善入余最愛一首云迢迢牽牛星
皎皎河漢女纖纖擢素手札札弄機杼終日不成章泣涕零如
雨河漢清且淺相去復幾許盈盈一水間脈脈不得語洵是諸
篇之冠

王昭君怨詩云高山我我河水泱泱父兮母兮道里悠長極淺
語却聲淚俱下

孟德詩時露霸氣如對酒當歌人生幾何月明星稀烏鵲南飛
繞樹三匝何枝可依靠驥伏櫪志在千里烈士暮年壯心不已
頗肖其人

沈歸愚評曹子建八音朗暢五色相宣使才不矜用博不逞誠
哉是言其詩如朔風云子好芳草豈忘爾貽繁華將茂秋霜悴

之君不垂眷屬云其誠秋蘭可喻桂樹冬榮贈徐幹云驚風飄
白日忽然歸西山雜詩云高臺多悲風朝日照北林之子在萬
里江湖迫且深七哀詩云明月照高樓流光正徘徊俱不愧其
語至若生存華屋處零落歸山邱尤復言之酸鼻也

叔夜四言每出俊語如流詠太素俯讀玄虛凌厲中原顧盼生
姿目送歸鴻手揮五絃俯仰自得遊心太玄求之晉人無與比
埒

陸氏昆弟於士衡則賞其京洛多風塵素衣化為緇於士龍則
賞其和神當春清節為秋天地則爾戶庭已幽四語耳

士衡猛虎行起四語云渴不飲盜泉水熱不息惡木陰惡木豈
無枝志士多苦心亦頗不允

潘安仁善於言怨如牀空委清塵室虛來悲風皆是至於望廬

思其人入室想所歷悼亡絕唱

太冲胃次高曠筆亦雄邁陶鎔漢魏自鑄偉詞如弱冠弄朱翰
卓犖觀羣書左盼澄江湖右盼定羌胡功成不受爵長揖歸田
廬悠悠百世後英名擅八區被褐出閭閻高步追許由振衣千
仞岡濯足萬里流讀之令人氣旺

王正長雜詩云朔風動秋草邊馬有歸心孫子荆祖道詩云晨
風飄歧路零雨被秋草語皆雄俊沈隱侯稱之有以也

曹據感舊詩有云富貴他人合貧賤親戚離殷浩坐廢韓康伯
詠此二語因而泣下

元亮佳句如暖暖遠人村依依墟里烟犬吠深巷中雞鳴桑樹
巔山中饒霜露風氣亦先寒道遙沮溺心千載乃相關結廬在
人境而無車馬喧問君何能爾心遠地自偏采菊欣有托吾亦

受吾虛微雨從東來好風與之俱采菊東籬下悠然見南山
氣日夕佳飛鳥相與還日暮天無雲春風扇微和平疇交遠風
良苗亦懷新白日掩荆扉虛空絕塵想晨興理荒穢帶月荷鋤
歸趨向不羣所寓遂得其妙氣體之高晉宋間一人而已

康樂集中佳句如白雲抱幽石綠篠媚清漣首夏猶清和芳草
亦未歇清暉能娛人遊子憺忘歸林壑斂暝色雲霞收夕霏海
鷗戲春岸天雞舞和風暝還雲際宿弄此石上月密林含餘清
遠峯隱半規池塘生春草園林變鳴禽能括唐人三百年名家
之美蓋自漢迄晉宋體格相沿至康樂而絕幽鑿險詩中之豪
也

惠連搗衣篇前數十句皆無可觀結云腰帶準平昔不知今是

玄暉長於五言沈休文見之曰二百年來無比詩也如大江流
日夜客心悲未央金波麗鵲玉繩低建章天際識歸舟雲中
辨江樹餘霞散成綺澄江靜如練魚戲新荷動鳥散餘花落池
北樹如浮竹外山猶影日華川上動風光草際浮春草秋更綠
公子未西歸望山白雲裏望水平原外風碎池中荷霜剪江南
綠寒城一以眺平楚正蒼然語語警絕

鮑明遠詩如腰鎌刈葵藿倚杖牧雞豚馬毛縮如蝟角弓不可
張食梅常苦酸衣葛常苦寒得古樂府樸直之妙許彥周謂其
行路難壯麗豪放若決江河大似賈誼過秦論

張正見殘虹收宿雨缺岸上新流天路橫秋水星橋轉夜流亦
佳句可寶

太宗螢火不溫風自是佳句

唐初不脫齊梁之習陳拾遺首起其衰如送崔融等從梁王東
征云金天方肅殺白露始專征王師非樂戰之子慎佳兵寓意
遙深筆尤高健及觀感遇等篇一脫畦逕使人有眼空四海神
遊八極之興

杜審言自許倚官屈宋談何容易然其詩如北斗挂城邊南山
倚殿前山追散馬日水憶釣魚人雲淨妖星落秋深塞馬肥據
鞍雄劍動搖筆羽書飛雲霞出海曙梅柳渡江春俱雄健過人
至大酺詩云伐鼓撞鐘驚海內新妝炫服照江東瑰偉流利誰
與爲數

沈宋竝稱五言詩沈非宋敵也沈所長惟七言若龍池篇云爲
報張中百川水來朝此地莫東歸諸家不能到也

延清佳句如宿雲鵬際落殘月蚌中開抱葉哀猿嘯啣花翡翠

來樓觀滄海日門對浙江潮不稔明月盡自有夜珠來一時無
兩題大庾北驛入手云陽月南飛雁傳聞至此迴我行殊未已
何日復歸來一氣旋折神味無窮至詠美人云妬女猶憐鏡中
髮侍兒堪感路旁人亦新

明皇工於詩如夫子何爲者栖栖一代中又豈不惜賢達其如
高尚心又灌木縈旗轉仙雲拂馬來又鳴鑾下蒲坂飛旆入秦
中又春來津樹合月落戍樓空又萬古一芳春發調既新筆復
高雋宜唐代詩人雲蒸霞蔚也

王灣次北固山下云海日生殘夜江春入舊年張燕公手題政
事堂每示能文令爲楷式至風響傳砒不到君爲搢衣絕唱

崔國輔子夜冬歌夜久頻挑燈霜寒剪刀冷故是絕調

蔡母潛之鐘聲扣白雲殷璠極賞之

薛據寒風吹長林白日原上沒又孟冬時短晷日盡東南天殷
璠稱爲曠代佳句

殷璠曰常建詩如松際露微月清光猶爲君山光悅鳥性潭影
空人心此例數十句並可稱爲警策一篇盡善者戰餘落日黃
軍敗鼓聲死今與山鬼隣殘兵哭遼水潘岳雖云能叙悲怨未
見如此章句其餘仙人騎鳳披彩霞挽上銀瓶照天閣黃金作
身雙飛龍口啣明月噴芙蓉爲李賀所祖

高達夫五十爲詩簡練揣摩語多骨體兼有氣骨如池空菡萏
死月出梧桐高倚弓玄兔月飲馬白狼川風霜驅瘴癘忠信涉
波濤最爲精警至若未知肝膽向誰是令人却憶平原君吟諷
不厭矣

岑嘉州曠世逸才其詩雄健絕人七古尤高五言如澗水吞樵

路山花醉藥欄孤燈然客夢寒
料搗鄉愁工於鍊字七言如到
來函谷愁中月歸去碣溪夢裏山
曲折有致至若長風吹白茅
野火燒枯桑山風吹空林颯颯如
有人非惟語奇意亦造奇

嘉州登慈恩寺浮圖云秋色從西來
蒼然滿關中五陵北原上
萬古青濛濛四語一篇之冠與工部
作竝駕逢入京使一絕云
故園東望路漫漫雙袖龍鍾淚不乾
馬上相逢無紙筆憑君傳
語報平安詩如白話却自何等情致

韋蘇州詩如孤雲忽無色邊馬爲
回首微雨夜來過不知春草
生楊柳散和風青山澹吾慮寒雨
暗深夏流螢度高閣高歌長
安酒忠憤不可吞東坡所謂寓至
味於淡泊初發揚子云歸棹
洛陽人殘鍾廣陵樹氣韻殊別

青蓮佳處人皆知之余愛集中前水
復後水古今相續流新人

非舊人年年橋上遊，又莫捲龍鬚席從他生綢繆。且留琥珀枕，
或有夢來時。又長繩難繫日，自古共悲辛。黃金高北斗，不惜買
陽春。又咳唾落九天，隨風生珠玉。又江上相逢，借問君笑語，未
了風吹斷。又春風爾來爲阿誰？蝴蝶忽然滿芳草。胸次高曠吐
屬無一塵。兀語任是人，不能到故曰仙才。

青蓮心折崔顥黃鶴樓詩，常思效之。如鳳凰臺鸚鵡洲終不逮
也。至送人云：白露洲前月，天明送客回。青龍山後日，早出海雲
來。又白玉一杯酒，綠楊三月時。春風曾幾日，兩鬢各成絲。追步
崔顥矣。

青蓮霓爲衣，兮風爲馬。雲中君兮紛紛而來，下虎鼓瑟兮鸞回
車仙之人兮，列如麻。從騷出白酒新熟，山中歸黃雞啄黍。秋正
肥，呼童烹雞酌白酒。兒女嬉笑牽人衣，昌黎山石所本也。

工部詩如夜闌接軟語落月如金盆尋常意倍見高雅壯士短
衣頭虎毛憑軒拔鞘天爲高情狀如生城尖徑仄旌旆愁獨立
縹緲之飛樓蒼莽歷落日成首節高江急峽雷霆關古木蒼藤
日月昏描繪盡致其餘旌旗日暖龍蛇動宮殿風微燕雀高錦
江春色來天地玉壘浮雲變古今萬里悲秋常作客百年多病
獨登臺海內風塵諸第隔天涯涕淚一身遙永夜角聲悲自語
中天月色好誰看閣夜後三韻云五更鼓角聲悲壯三峽星河
影動搖野哭幾家聞戰伐夷歌數處起漁樵臥龍躍馬終黃土
人事音書漫寂寥壯闊沉雄是德精神氣槩

蜀相前二韻則寫景物後半忽振起精神云三顧頻煩天下計
兩朝開濟老臣心出師未捷身先死長使英雄淚滿襟將武侯
一生道盡未聯真令志士涕下

慈恩寺塔云秦山忽破碎湮消不可求俯視但一氣焉能辨皇
州特立千秋豈止雄視一代

律句最爭起勢工部爲長如行次昭陵云舊俗疲庸主羣雄問
獨夫識歸龍鳳質威定虎狼都重經昭陵云草昧英雄起謳歌
歷數歸風塵三尺劍社稷一戎衣均是高唱而入惟王右丞埒
之終南山云太乙近天都連山到海隅白雲迴望合青鸞入看
無觀獵云風勁角弓鳴將軍獵渭城草枯鷹眼疾雪盡馬蹄輕
固可相提並論

右丞長於律句五言如興闈啼鳥緩坐久落花多日落江湖白
潮來天地青江流天地外山色有無中古木無人徑深山何處
鐘大漠孤烟直長河落日圓六言如雲裏帝城雙鳳闕雨中春
樹萬人家九天闔闔開宮殿萬國衣冠拜冕旒酬郭給事起四

語云洞門高閣霽餘暉桃李陰陰柳絮飛
中啼鳥吏人稀真足橫行今古

孟襄陽五言天下稱其獨步如野曠天低樹江清月近人衆山
遙對酒孤島共題詩不才明主棄多病故人疎再來迷處所花
下問漁舟皆氣體高峻與諸子登峴山入手云人事有代謝往
來成古今江山留勝迹我輩復登臨宿桐廬江入手云山暝聽
猿愁滄江急夜流風鳴兩岸葉月照一孤舟臨洞庭入手云八
月湖水平涵虛混太清氣蒸雲夢澤波撼岳陽城早寒有懷入
手云木落鴈南渡北風江上寒我家襄水曲遙隔楚雲端是何
等威舉至若微雲淡河漢疎雨滴梧桐能使秋省諸公一齊閣
筆

高仲武曰右丞沒後貞外爲雄如鳥道挂疎雨人家殘夕陽牛